

SIPA izvršila hapšenje po nalogu Tužilaštva BiH TRAKO UGROZIO ŽIVOT SVJEDOKA

Uhapšeni Hidajet Trako je pomoćnik ministra pravde FBiH za izvršenje sankcija • Saslušano i više osoba u svojstvu svjedoka • Ministar Mikulić kazao da mu „nisu sasvim jasni zakonski razlozi za lišavanje slobode“

Službenici SIPA-e preksinoć su u Sarajevu uhapsili Hidajeta Traku, zato što je jednog zaštićenog svjedoka Tužilaštva BiH premjestio iz sarajevskog u zenički zatvor.

Prema odredbama Krivičnog zakona BiH, Traki za zloupotrebu položaja i ometanje rada pravosuđa prijete kazna od najmanje tri godine zatvora. On je jučer saslušan u prostorijama SIPA-e, a potom predat Tužilaštvu BiH.

3. strana



Page: 1

Reach: 50000

Country: BOSNIA AND HERZEGOVINA

Size: 665 cm2

2 / 2

SIPA uhapsila pomoćnika ministra pravde



Trako ugrozio život svjedoka

Hidajet Trako je pomoćnik ministra pravde FBiH za izvršenje sankcija ● Prijeti mu kazna od najmanje tri godine zatvora ● Saslušano i više osoba u svojstvu svjedoka

Postupajući prema naredbi Tužilaštva Bosne i Hercegovine, policijski službenici Državne agencije za istrage i zaštitu (SIPA) preksinoć su u Sarajevu, u okviru rada na predmetu „Lutka“, uhapsili Hidajeta Trako, pomoćnika federalnog ministra pravde za izvršenje krivičnih i prekršajnih sankcija.

Izričito upozorenje

Prema informacijama koje je dobio naš list, on je uhapšen zato što je jednog zaštićenog svjedoka Tužilaštva BiH premjestio iz jednog kaznenopopravnog zavoda u drugi. Time mu je ugrozio sigurnost i život.

- Pravosudne i policijske

agencije izričito su istakle da taj zaštićeni svjedok ne smije ni pod kojim uvjetima biti premješten u drugi KPZ, pa se osoba lišena slobode sumnjiči da je zloupotrijebila svoj položaj i izvršila ometanje rada pravosuđa te na ovaj način ozbiljno ugrozila život i sigurnost zaštićenog svjedoka, kao i istragu i predmet koji vodi Tužilaštvo BiH - navodi se u saopćenju Državnog tužilaštva.

Prema informacijama koje su nam prenijeli izvori bliski istrazi, Trako je iz sarajevskog prebacio u zenički zatvor jednog od ljudi bliskih kriminalnom klanu Darka Eleza.

Riječ je, navodno, o svjedoku koji je s Tužilaštvom BiH sa-



Trako: Zaštićenog svjedoka prebacio u drugi zatvor

radio u više istraga koje se provode kako bi se rasvijetlila djela ove kriminalne grupe čiji šef Elez već služi višegodišnju zatvorsku kaznu u Srbiji.

Prema odredbama Krivičnog zakona BiH, Traki za zloupotrebu položaja i ometanje rada pravosuđa prijete kazna od najmanje tri godine zatvora.

Predat Tužilaštvu

On je jučer saslušan u prostorijama SIPA-e, a potom predat Tužilaštvu BiH.

Kako je sinoć saopćeno iz Tužilaštva BiH, nakon ispitivanja osumnjičenog Tr-

ake, postupajući tužilac Posebnog odjela za organizirani kriminal, privredni kriminal i korupciju Tužilaštva BiH, prema Sudu BiH uputit će prijedlog za određivanje mjera zabrane.

Mjere se odnose na zabranu obavljanja službene funkcije i zabranu sastajanja s ostalim osumnjičenim u ovom predmetu.

Osim njega, u SIPA-i je saslušano i više osoba u svojstvu svjedoka. Riječ je o radnicima Federalnog ministarstva pravde, Kaznenopopravnog zavoda Sarajevo te KPZ-a Zenica.

Ministar pravde FBiH Zoran Mikulić kazao je da mu „nisu sasvim jasni zakonski razlozi za lišavanje slobode gospodina Trake“.

Mikulić je pod upitnik stavio akciju SIPA-e.

- Podržavam, kao i uvijek do sada, zakonit rad svih istražnih i pravosudnih organa, svjestan činjenice koja je i građanima već postala dobro poznata da pojedinci u policiji i tužilaštvima ne rade uvijek u pravcu zaštite zakonitosti već su pod očiglednom političkom kontrolom - rekao je on. **E. D. A.**

Naredba tužioca Čampare

Nadležni u SIPA-i i Tužilaštvu BiH nisu bili raspoloženi za davanje više informacija.

I iz jedne i iz druge institucije čelni ljudi upućivali su nas na štura saopćenja i svoje portparole.

Neki bh. mediji prenijeli su jučer da je zaštićeni sv-

jedok tijesno saradivao s državnim tužiocem Dubravkom Čamparom na nekoliko velikih slučajeva.

Upravo je Čampara bio posebno zainteresiran za sigurnost svog saradnika i bio je najoštrije protiv bilo kakvog njegovog premještanja u drugi zatvor.